

四庫全書

集部

欽定四庫全書

御製詩三集卷七十八

古今體一百三十二首

己丑二

新正恭奉

皇太后幸御園即景成什

日麗風和喜善晴

農家以雪後無風為善晴

西山雪色面前呈青埋

麥壠鋪銀海素積煙郊度綵旌御苑韶光今歲好上元

鐙事五朝迎承

歡行慶願何似

於萬斯年未覺盈

恒春圃

一室堪稱圃四時常看花不嫌為下策

冬春盆卉  
率以火熏

況復

值東華馥郁含韶律飄姚散彩霞還嗤殷七七幻術號  
仙家

觀疇樓

層樓出樹杪開窓見田疇索綯時已過于耜序復周始

終鮮暇日農父苦孰侔逢年慮穀賤遇歉愁無收憑觀  
增感然何有暢遠眸

抱樸草堂

草堂祇兩間庭前森古樹枯枝集寒鴉倪迂筆不誤且  
看畫意張聊待嘉蔭布怡情詎華鐙悅心惟竹素誰謂  
御園中而有茅簷趣

新賞室

書室假山峭蒨間新年賞景暫偷閒綵繁薰卉非娛志

民瘼關心未解顏

多稼軒

文軒額多稼

聖藻爛仙虹敢擬後

先揆實殷宵旰同即看時玉積豈必炬蓮烘徵兆斯誠  
幸登秋遙望中

題耕作蠶織二圖即用程祭書樓璫詩韻

有序

向蔣溥進劉松年蠶織圖自序卷首其蹟已入石

渠寶笈矣茲得松年耕作圖觀其筆法與蠶織圖  
相類因以二卷叅較之則紙幅長短畫象體格悉  
無弗合耕圖卷後姚式跋云耕織圖二卷文簡程  
公曾孫榮儀甫繪而篆之織圖卷後趙子俊跋亦  
云每節小篆皆隨齋手題隨齋程榮別號今兩卷押縫皆  
有儀甫隨齋二印其為程榮摹樓璘圖本并書其  
詩無疑細觀圖內松年筆三字腕力既弱復無印  
記蓋後人妄以松年有曾進耕織圖之事從而傳

會之而未加深考致以訛傳訛耳至耕圖紹興小  
壘則又作偽者不知祭為元時人誤漆蛇足矣又  
考兩卷題跋姚式而外諸人皆每卷分題則二卷  
在當時本相屬附後乃分佚單行故耕圖有項元  
汴收藏諸印記而織圖則無可以驗其離合之由  
矣今既為延津之合因命同篋襲棄置諸御園多  
稼軒軒之北為貴織山堂皆

皇考御額所以重農桑而示後世也昔

皇祖題耕織圖泐板行世今得此佳蹟合并且有闕重  
民衣食之本亦將勒之貞石以示

家法於有永因考其源委並識兩卷中兼用璿韻題圖  
隙至原書及偽款仍存其舊蓋所重在訂證覈實  
前此之誤固不必為之文飾亦瑕瑜不掩之道也  
浸種

穀種如人心其中含生生韶月開初律向陽草欲萌三  
之日于耜東作農將興筠筐浸春水次第宛列成



耕

四之日舉趾吾民始事耕驅犍更扶犁勞哉擬魚潁水  
寒猶凍足不辭來往行詎作圖畫觀真塵宵旰情

耙

皮衣豈農有布褐聊禦寒翻泥仍欲平驅耙漾細瀾率  
因人力憊亦知牛股酸寄語玉食者莫忘稼穡難

耖

覆耕不厭勤塍頭更畛尾齒長入地深土細漉成滓旋

旋

並去聲

泥復沈澄澄波欲起  
耖功乃告竣方罫鋪清水

碌碡

南木北以石水陸殊命  
匠園轉藉牛牽牛蹄踏泥浪蹄  
傷領亦穿乃得田如掌  
惟應盡此勞遑敢恃有相

布秧

浸穀出諸籠欲拆甲始肥  
左腕挾竹筐撒種右手揮一  
畝率三升均勻布淺漪新秧  
雖未形苗秀從此期

淤蔭

既備播農人有相

去聲

賴田祖灰草治疾藥糞壤益肥乳

政補兩致勤仍望以時雨逮其穎粟成辛苦費久許

拔秧

新秧五六寸刺水綠欲齊輕拔虞傷根亞旅共挈携擔  
簾歸於舍以水洗其泥不越宿即插取東移置西

插秧

芒種時已屆蠶暖麥欲涼未離水土氣趁候插秧卻  
步復伸手整直分科行不獨箕裘然服疇敢或忘

一耘

耕勤種以時庭碩苗抽新撮踈鏟後生稂秬務除根  
邊更戽水溉田漾輕紋胼胝正爾長劬劬始一耘

二耘

徐進行以膝熟視俯其首平壠有程度叢底毋留莠  
食與壺漿肩挑忙弱婦家中更無人攜兒遑慮幼

三耘

三耘諺曰壅加細復有耒漚泥培苗根嘉苗勃生薤老

農念力作瓦壺挈涼水苦熱暢一飲畢功戒半委

灌溉

決水復溉水農候悉用莊桔槔取諸井翻車取諸塘胥  
當盡人力曝背那乘涼粒食如是艱字餅嗤何郎

收割

我穀亦已熟我工猶未卒敢學陶淵明五斗羞腰折男  
婦艾田間秋風侵布褐秋風尚可當竄畏冬三月

登場

九月築場圃，捆積頗慶優。束稞滿新架，稂穗遺舊疇。周  
雅詠如坻，奄觀黃雲秋。迴顧溪町間，白水空浮浮。

持穗

取粒欲離藁，輪耜敲使脫。平場密布穗，揮霍聲互發。即  
此幸心慰，寧復厭耳聒。須臾看遺穗，突然如樹杧。

讀作兀

簸揚

禾穗雖已擊，糠粃雜陳前。臨風揚去之，乃餘淨穀圓。憐  
彼農功細，嘉此農心專。所以九重上，惕息虔祈年。

礪

有竹亦有木胥當排釘齒其下承以石磨礪成粒子轉  
軸如風鳴植架擬山峙不孤三時勞幸逢一旦此

春碓

溪田無滯穗秋林有落葉農夫那得閒相去聲杵聲互答  
一石舂九斗精鑿期珠滑復有水碓法轉輪代足踏

簾

織竹為圓筐疎密殊用簾疎用礪以前細用舂已過簾

三弗厭精登倉近堪賀力作那偷閒誰肯茅簷卧

入倉

村舍亦有倉用備供天庾艱食惜狼戾盖覆藉屋廡背  
負復肩挑入厰忙日午輸賦不稍遲恐防租吏怒

浴蠶

浴蠶同浸種温水炊輕煙農桑事齊興衣食均民天紙  
種收隔歲潤灑百花泉比户恐失時力作各爭先

下蠶



吳天氣漸暖鋪紙種漸高破殼成蟻形綠色細似毛輕  
刮下諸紙驚羽揮如刀女伴絕往來併載蠶婦勞

餵蠶

猗猗陌上桑吐葉剛少許摘來飼烏兒筠筐食共聚氣  
候物盡知林外倉庚語設無蠶績功袞職其誰補

一眠

蠶飽初欲眠蠶忙事正長少婦獨偷閒深閨理新粧中  
婦抱幼子赴暇哺向陽大婦縫裳衣明朝著採桑

二眠

初眠蛾蛻皮村屋低垂幙七日變如故首喙壯不惡於  
候當二眠上架依前若弗食復弗動圓筐貼細箔

三眠

再起蠶漸長

上聲

桑葉可食半是時葉亦繁陌頭陰欲暗

篝鐙視女郎晝長夜駸短三眠擬三耘農桑功不亂

分箔

眠起有定程不緩亦不促逮三蠶大長

上聲

分箔陳盈屋

雞䟽要及時螻螻色澤綠移東復置西吳孃工作熟

採桑

柔桑採春初遠揚採春深飼之別早遲時序毋相侵蠶  
老需葉多升樹勞搜尋雨則風諸陽燥又潤諸陰

大起

木架度筠箔室中避風雨蟬首食全葉須臾盡寸許喜  
溫不耐熱引涼向日午酌劑適物性嗟哉彼貧女

捉績

家家閉外戶知是為蠶忙  
聲去夙夜視箔間弊衣復短裳  
綠形將變白絲腸漸含光  
揀擇戒遲疾齊棟堆如岡

上簇

束草置箔間不長亦不短  
蠶足緣之上肖翹力猶軟  
喉明欲繭候清和律已暖  
誰謂村舍中蒼山忽滿眼

炙箔

蠶性究畏寒終朝不捲幕  
仍期成繭速火攻用炙箔  
絲蟲將結網銀光鋪錯落  
獸炭揀良材率欲無煙覺

下簇

紅蠶既作蠶堆簇如雪山取下叩盛筐秤視倚屋闌蠶  
一繭獲十豐熟婦女歡迴憶昔蹙眉幸博今開顏

擇蠶

宜綿誇八蠶宜絲貴獨蛹一家聚擇之分品各殊用絲  
待人之買綿禦已之凍勞而弗享報女紅可勿重

害繭

蛾若破繭出絲斷如敗葉斯有甕害法封泥固周決深

埋取寒氣掘地揮鋤鍾何必詡高昌草實稱白氎

繅絲

繭終絲之始猶未閒女孃竈下颺輕煙釜中沸熱湯度  
戒過不及乃得絲美長轉軸仔細看梧月已上墻

蠶蛾

視繭圓與尖雌雄別較然擇美待化蛾齧繭出其園成  
偶經晝夜布子密且綿紙種敬以收默祝富來年

祀謝

絲成合報謝東吳復西蜀人以神虔心神以人寓目盈  
几銀鏤陳蠶功佑蒙辱雖酬已往恩仍禱方來福

絡絲

縹絲甫報畢絡絲應及節工作有次序此風盛吳越麤  
細卒未分要使無斷脫轉篲對篝鐙明河影欲滅

經

既絡絲納筵置軸兩端排引以為直縷理繁徐往來條  
貫期畢就比弦無曲回設擬悖如絳敢曰經有才

緯

浸緯非細工付之小女丫誰知素絲中乃具種種華精  
經次緯於是別轉輪引緒斜由分漸成合小大殊軸車

織

濶室置機架有軸亦有欄往還拋玉梭那辭素手寒錯  
綜乃成功萬絲得一端織女若是勞布衣已原單

攀華

椎輪生大輅踵事何太勤素帛增攀華絲縷益糾紘既



成黼黻章亦煥河洛文為者自不知如山出五雲

剪帛

精麤不中數廣狹不中尺王制弗鬻市要義寓剪帛辛  
苦豈易成欲裁心自惜耕勞蠶亦勞視此吟篇著

新正萬壽山

一度韶正一度新壽山今歲又初巡泰和訢合人心豫  
春澤優霑物象勻旭烘去聲樹梢珠作綴煙開塍畔玉為  
鱗寧因繪景增佳麗利在農田喜是真

題玉瀾堂

堂陞俯平湖春冰雪滿鋪迷離同一色茗邈泯方隅絕  
勝穀還綺羣棲雁與鳬靜看堅白裏瀾意詎寧無

舍新亭

餅景亭前又不同曾非嫩綠與輕紅欲知萬物含新意  
祇在貞元一氣中

怡春堂

溪堂倚疊峯雪積玉芙蓉氣泚不知冷春光早勝冬鋪

田素已厚出岫靄猶濃底是心怡處端因慶在農

戲題石舫

綠蘩應節訝漁鐙欲笑天隨得未曾總是帆還不槳  
那知依水與依冰

關九思松壑攜琴圖

臨流坐石眄長空相答還聽松下風有客攜琴來谷口  
便將動操響應同

上元前夕侍

皇太后宴作

未放西樓火樹枝  
試鐙曲宴奉

慈嬉輕陰欲讓將  
團魄小部都呈祝  
嘏辭飭餽芳陳百  
歲棗雲霞輝燦九  
華芝依依

愛月春宵永正是  
千金一刻時

清暉閣閒詠

春氣方醞釀春風  
漸霽和行時初序  
值望歲此間多盆  
卉是新朶庭松非  
故科小題閒點綴  
畫卷面前羅

再題清暉閣四景

松雲樓

仰首松雲真綠雲四時不改翠氤氲雖然趣異陶宏景  
偶暇來登也覺欣

露香齋

夜氣朝曦潤有痕文沈武布漫須論若云春露興予念

嘉樹終慙傳獨存

閣前老松遭癸未回祿  
始於隙地作假山四景

涵德書屋

進德由來要涵養雖然德亦有多端於施應勉儉應酌  
損益義交宜並觀

茹古堂

堂顏茹古意如何亦欲通今理不訛設使循名事拘泥  
井田封建誤人多

上元前二日錫宴外藩即席得句

仰流鱗集賀元正錫宴欣逢雪後晴大幕穹窿慶雲擁  
西山迤邐玉屏橫鐻錫君長舊臣列

都爾伯特今亦有  
出痘者來京賀正

與舊蒲  
無異

氍毹衣冠侍子伴

哈薩克阿卜爾比斯汗遣其子卓爾齊來京特命入宴

正是遠來近悅候恰教南顧繾綣遐情

緬匪弗靖待之一歲彼無投誠之信

此無赦罪之理將  
籌大舉用繫遠懷

### 上元鐙詞八首

春雲泛泛密鋪空雪色輝鐙月色同  
謾惜氍毹輪偷輾過  
姮娥今夕讓豐隆

西山一帶玉為岡次第華鐙入席張  
煜雪金蓮飛萬朶  
陸離銀樹列千行

哈薩流沙沙貢駾威臨何似德為培常年入賀陪臣遣  
今歲專誠侍子來

一度元宵一度新是何緣復是何因分明龍象衛調御  
無量鎧中轉法輪

森飛景附有神權朗暎當空皓魄圓集錦圖燃翡翠火  
流蘇幢噴蕙蘭煙

掌儀回伎列繩竿

回部襍伎掌儀司領之  
與內府旗人無異矣

礪極都盧倒

擲盤中外一家慶嘉夜西京底事訝奇觀



風信枝頭幾番

聲去

纔情知春事尚徘徊爆如雷響花如

雨

聲去

催得韶光衮衮來

選文徵韻審毫端戛戛陳言務去難藉用鐙前遣餘暇

上元詞又八章看

上元後日曲宴廷臣即景得句並命賡韻

經冬望雪久心懸慶值開年惠澤駢例以傳柑繼昨夜  
看猶煉火靄遙天當春宜有嘉謨進卜晝無須綵炬燃  
四韻俱成仍兩什一言漫擬栢梁篇

堂陞聯情不可無筵開翼節共嘉娛芳餽旨酒聊茲會

撮矢弘弓豈彼須

漢書元會賜食酒有虎賁羽林弘弓撮矢陞戟左右云云

玉色積

斯占熟穀金音毋爾賦生芻連茵莫作同聲頌交傲賡

歌事著虞

### 敦素堂

階基臨曲沼樸斲構書軒冰鑑先呈暎波紈漫待翻即  
看通體潔那藉綺言煩素固人應尚況予司化源

### 明漪樓

曲池冰凍未生波借問明漪意若何無極瀟溪著圖說  
互為根究靜居多

再題安瀾園十景

龍經館

士不通經豈足用雖然當亦異書生三謨二典無多語  
披對能忘愧怍情

四宜書屋

四宜端為

去聲

四時宜首序為

平聲

春正此時乾德惟元稱

善長

上聲

體仁益覺疊於斯

無邊風月之閣

月是新圓風是初一年風月此權輿無邊佳景源源至  
高閣空空納有餘

涵秋堂

借云春至那辭秋祇有溪堂過不留雖是不留原不去  
涵之以水鏡光浮

遠秀山房

秀挹西山列若眉峯姿嶺態攬多奇云何見遠無俯美  
喜是千林未葉時

染霞樓

霞映橫樓樓映水一般紅影漾東風齊飛未見天邊鷺  
漫擬滕王作序同

綠帷舫

臨水為齋偏學舫水流何異木蘭移薄寒愛近曦窓坐  
不藉隄楊展綠帷

飛睇亭

亭臨墻外見鱗塍此際農功尚未興  
因照田蠶何不可  
遠村人鬧上元鐙

煙月清真樓

春煙澹淹春月新碧落無塵有淨因  
試問拈毫邈然者  
外斯誰得號清真

采芳洲

此安瀾學彼安瀾

壬午南巡閱海塘嘗駐海寧陳氏園賜名曰安瀾尋於御園就景之相

近者規仿為之即以顏額詳見記中

洲渚寧緣圖美觀撫景却教繼遠念

邇來可得漲沙寬

題張僧繇夜月觀泉圖

唐蹟而今片羽稀識真幸藉瘦金揮

幀首有宋宣和題識

有雲有

月幻晴晦一主一賓泯是非輞水淪連光上下瓊崖觀  
望趣精微展頻不肯輕題句擬議艱知變化機

襍興

昌黎著原毀古今何異趨責人責已間輕重詳廉殊有

若語

去聲

人良強弱怒不謀叶設使稱人惡其悅亦相符

此語請申之此事今豈無作善降以祥聞或謂之誣幸  
灾樂禍流道聽說諸塗既而還自笑恐正未免吾報稔  
柔稷收穀賤傷農虞告歉賑濟周仍庶偶向隅公私縱  
有間去聲不知足同乎惟其不知足日與憂愁俱安得忘  
萬慮又懼非舜徒

詠漢玉穀璧

六瑞曾聞周禮傳耐金享璧漢家沿吾惟穀寶知為貴



寓物題詞屬偶然

項聖謨孤山放鶴圖即用其韻

自從處士此肥遯千載孤山竟不孤  
欲笑古胥特多事  
斯人寧藉寫成圖

南宋樓臺劫火灰梅花自放鶴還來  
撫圖似晤林和靖  
騁望湖天笑眼開

新春含經堂漫題

紐芽時節逮根荄又倚明窓芸帙開  
未得孜孜還矻矻

非誇實實與枚枚陽涯冰鮮白浮水午砌雪消綠到苔  
檐綴綠繁應笑我上元過了看鐙來

思永齋

冰牀不可坐沿岸進輕輿原自一溪隔閒消片刻餘漏  
聲永高閣旭影下橫疏園景滋多矣思之每愧予

題德生軒

醞釀青韶有酌斟書軒寧為玩芳臨繫辭下傳標深旨  
大德從知天地心

對雲樓口占放歌

綠雲雖曰衆樹名祇有蒼松恒弗改試看突兀彼連林  
豈復雲容枝上在獨嘉背嶺數大夫靄靄童童濃覺倍  
開著樓窓不礙涼是我對之所以乃

松簧館

非竹非絲非石金清風入助碧雲吟水鄉款乃奚稱數  
聲此是雲山韶護音

豁如室

邃不嫌深廓不虛來憑渠几輒觀書大公順應前賢語  
擬欲吾心亦豁如

靜室

諸動本乎靜耽靜即動時寂寂物盡忘憧憧朋從思靜  
固我所願其如酬萬幾應而有不紛澄而非無為哲人  
方能是企焉吾將希

朱蔚盆蘭

不覺清風披拂如聞香氣滃濛似恨羣芳譜內鄰他萬

紫千紅

讀韓非子

楚莊蒞三年無令無政為司馬隱進諫王亦隱荅辭飛

有冲天日鳴有驚人時廢十起者九誅舉邦大治叶是

盖效殷宗夢築吾固疑

向評通鑑輯覽以殷高宗圖像傳巖事致疑傷誕或居民間時

物色已久持託之神道設教而已

一之已為甚其可再乎斯臯陶亦有

言一二日萬幾三年罔稟令叢脞萬事墮逮其起揀正

害久民受之非非達政者泥古兼好竒

燕九鐙詞

舊聞今日讌丘仙

燕九節見  
日下舊聞

藍尾元宵鐙重去聲燃那見

雲中降玉輦却看火裏種金蓮

鐙事今春七日同

自十三日至燕九例放七  
日鐙火遇大風雪即止

有雲却喜

每無風魚鱗傍晚斂全淨讓出蟾光燭碧空

高燭虹光百道流林丞明日火嬉收無遑惟益勵無逸

有作應知必有休

鐙前適閱驛章呈阿卜費汗遣子誠

時右部哈薩克阿  
卜勒比斯遣子卓

爾齊等先至已令入座預觀而左部阿卜賚遣子幹  
里蘇爾統等亦在途將至命酌留鐙火以均恩例小

分去聲教留還待彼博恩應與耀光明

題林逋二扎四用蘇軾韻

五詩早入石渠藏二扎人間如抱曲一時無意得聯珍  
字精神照千秋綠我愛蘇詩賡以三那論硤硤及真玉  
誰知石田先著鞭此事誠堪驚世俗蘇則題詩沈題扎  
恰似一鐙燃百燭翰臣金臺獲佳蹟

某曰修自記得  
之金臺王氏

意

在豐城雙補足書我三作當題識瘦勁誰當嗤少肉陳

頤

張淵

吳寬

李東

陽和者四各具清新率可錄東陽識見

洵獨高二義不礙重押曲

石田諸人皆押一曲獨李東陽謂坡本韻乃二義重押

春巡至今凡幾年令我遐憶西湖竹竹之傳也固多人  
不若林梅匹陶菊

### 詠痕都斯坦滿尺玉盤

考工未藉玉人為萬里從風貢自馳

守伊犁將軍伊勒圖所進

巧匠

由來琢喀嗎

回之古巧匠名

金神曾是守熏池規圓外復出爪

瓣尺滿中仍結菹蕤不寶華囂寶獻善王孫園語塵吾



思

復雪

正月廿二日

濃雲兩三日復雪四五更問夜不忍眠一喜一懼情曉  
起猶飄灑時疎時密并階陽融香泥瓦陰鋪細霰土膏  
脈動際接潤誠利耕九宮雖輪排三白信符貞額手慶  
農祥遙哉望西成

夜雨

正月廿四日

夢醒浙瀝聲雨乎猶疑似急呼問司昏報雨誠信矣孟

取方下澣如膏稀見此吾何脩而遇懼意倍於喜那能  
擁衾眠待明著衣起變涼仍霏雪落地融春水族雲低  
以同綏靈殊未已

題董其昌倣黃公望山水

粗觀非大癡細按全子久得髓與得皮教外別傳有山  
疑雲氣吐水似溪聲吼濛濛靄靄間撫恐潤霑手乘興  
綴五言思翁却知否

雪中泛舟

春冰不勝履春水可乘舟  
值此霽霏景真成汗湧遊  
入波渾是合飄宇且為浮  
本自無安道休猜學子猷

題綠玉韞

深綠出踰次引規韞製圓瓊  
華體寧比韭葉色如鮮五

德不離珮六鈞可發弦  
樹侯連命中遜昔每慙然

自臂病馬

射雖如常射鵠則大不如昔用以為愧

王綦倚杖尋詩圖

古屋喬樹下曲欄野溪邊  
溪外帶磻岸淙淙落流泉  
是

中可得句亦可被管絃何必苦研練玩日以愒年

夜雪三首

正月廿五日

夜陰仍與夕陰連屢問還因致弗眠問道雪霏真愜意  
不知足亦自慙然

春膏今歲信殊常擁被無妨切薄涼却報繽紛勢滋壑  
暎窓忽訝月為光

高低簷砌總皚皚起視誠驚希有哉疑是東皇工幻戲  
琢成一夜玉樓臺

新春萬壽山

節後兼欣雪後來壽山韶景值初開陽林珠綴欲垂顚  
陰嶺玉鋪未化皚活水已從澗口落嫩金微搖去聲柳梢  
纔情知爛漫無多待花信寧須羯鼓催

繪芳堂

借問羣芳譜誰能繪以都誠知惟造物曾不費工夫自  
有色形賦而非陶冶模書堂偶契旨隨意作清娛

惠山園

景寫惠山真不真  
明亭暗竇儘宜春  
今朝大似江南者  
宿霧輕煙總絕塵

澹寧堂

攬景值初春  
初春雅契人未芳  
山本靜半化水生  
新可與識消息  
誰因問屈伸於斯  
有所會惟澹足寧  
神

構虛軒

未鬯韶光來也徐  
高軒默契偶憑諸  
試看字甲含胎者  
其始由來構以虛

袖嵐書屋口號

西山常在窓中每來興致不同益以高峯積雪真成滿袖清風

題賅春園

問春賅何處曰賅春於此一氣遍三千或恐無是理是  
可以言喻萬物方寸裏義傳稱藏密梵函譬芥子觸景  
悟天倪夫豈在紅紫

清可軒

倚巖棲迴軒暢望俯平楚煙村春始韶沃壤雪猶聚省  
耕將及時不足籌所補清憩那怡神切切慮民苦石壁  
付弗知春秋閱萬古

靜佳齋

鳥未能言花待昌泰階舒疊正青陽濂溪無極而太極  
註得靜佳義趣長

雲繪軒

常時雲繪軒原自出想像今朝雲繪軒雲繪果有狀叶



鬢鬢含雪容  
曖曖韜日朗  
泚氣與訢合  
春山與俯仰  
設於後素求  
海岳誠無兩

清琴峽

流泉出峽奏清琴  
斲器何須爨  
下尋歷歷四時各中

去聲

律今朝聽得是春音

曉雪三首

正月廿七日

瓦陰宿雪未全消  
又值彌天鶴毳飄  
於澤那辭云已足  
倚檻欣看落漣漣

雪光靄靄接晨光  
流漫縱橫勢正揚  
著地消融渾不見  
開韶方悟律迴陽

孟春三白遇重重  
有喜端因為利農  
贏得餘情拈七字  
西山當面玉為峯

午晴

雪足午晴好  
溫曦始載韶  
婪鐙罷節讌

安駕返東朝

是日恭送  
太后駕返暢春園

皇

邇覺時光迅  
非耽歡樂

饒靜憑明牖  
坐底事忽無聊

詠周犧匝

奉沃致虔恭惟寅佐秩宗伯和相仲叔舉父共春冬

和伯

舉父皆周匝名

古器堪為寶犧形利用農玩辭得大觀

去聲觀平聲

我勵字顯

題沈周山水幽居

幽居靜可論山腹水之源有婦司中饋無僮守外門亦  
時來野客而弗過高軒應笑向逢輩猶然致傳存

御製詩三集卷七十八

欽定四庫全書

集部

御製詩三集卷

七十九  
八十

詳校官侍郎

臣謝墉

助教

臣常循履勘

總校官原任中允

臣王燕緒

校對官庶吉士

臣張九鐔

謄錄監生

臣陳炳

欽定四庫全書

御製詩三集卷七十九

古今體一百四十五首

己丑三

詒

暢春園問

皇太后安遂由萬泉莊進宮之作

半月鐙宵一瞬看

暢春清曉詒詢

安仲春例有

祈農祭必

告因之返禁鑾

相去泉宗

萬泉莊泉  
神廟名

數里餘況因途便駐輿猶看積

素皴町疇更喜新泉繞砌除

位置亭臺左右便邨無一晌小留連縱遲原未消四刻

不惜人稱馳驛然

主善堂

到處構書堂循名思義長元斯首四德善必有餘慶試  
看春方孟已欣物欲昌清吟攄靜會筆硯適精良

觀瀾亭

春水初生波不寒和風容與作微瀾輕條遊泳意誠樂  
知否何勞辨兩端

秀舉樓

湖石玲瓏一逕通溪樓瀟落兩層空寧須嚮鉢論遲速  
得句頗欣秀舉同

輝淵榭

小樹剛十笏俯臨石泉上層峽落奔流濺滴有殊狀既  
平匯橫溪春波復演漾水底行不凍參差新葉放豈必  
育老蚌媚川斯一樣

湛虛樓有會

溪上層樓額湛虛空樓柱暎溪如物無妍醜各呈照  
不自為明明有餘

依綠軒



有軒必有額依綠此為堪常喜傑池護亦將蔥蒨罩梅  
芳猶可挹竹素更資探湯惜綠依未枝枝意已含

題挹源書屋

醴流都向北此是萬泉源擇址建崇宇於旁得小園偶  
因臨孟月便以憇文軒欹案觀謨典誠為挈紀言

向綠軒

檐楹豁可披近遠納林姿雖覺待嘉蔭却欣觀俶熙和  
風搖動矣暖旭照臨之試看枝條意都成向綠時

扇淳室

扇

去聲

式為房額即景頤名輒復塵思存民風未覺臻虞

夏兩字扇

平聲

淳邨易言

仲春齋居

新正

平聲

脩過仲春至

兩祭併為一次齋

仲春上丁祭

文廟上戊祭

社稷壇例應併齋今歲適皆親詣行禮

且喜節餘心適靜更逢雪足澤涵佳星中鳥宿將臨度

日北簷陰已下階

日向北行則簷影漸下而南

雖是肅居有清暇命

師籌遠正去聲紫懷

古玉斧珮疊舊作韻

瓊寶雖特達他山乃藉資真仙青是骨古德土為肌雕琢謝弗用剛柔協可思撫觀惟契靜得句亦因時

題錢維城春山十二種

疎影橫斜幾樹春覆茅書屋凍溪濱程門設復相衡校便是庭前立雪人

右梅花書屋

幾縷煙絲跣地垂  
碧溪一帶野橋楮  
無人似是有深意  
厭說其津知不知

右柳溪畧約

迴薄羗峯澗水橫  
凌波獨木絕人行  
春山卽識其中妙  
幾疊疎林翠始生

右疎林生翠

晴峯照日欲生煙  
青暎招提萬丈蓮  
底事山僧弗行脚  
毒龍制處自安禪

右山寺晴煙

息交有似陶彭澤  
踴躍林蹊頗自如  
疑是農人告春及  
扶筇不待命舟車

右春林曳杖

直上千雲峙萬尋  
曦光霧色幻晴陰  
結廬對似周處士  
欲託亭亭物表心

右曉山暖靄

前溪煙雨後溪連  
茗邈迷茫合水天  
記得江南春二月

布帆斜拂石湖邊

右雨汀春泛

已看新葉發新枝便有輕陰淡淡披  
恰似鵲山戴仲若  
雙柑往聽栗留時

右喬木新陰

隔溪一幰遠山青  
石磴攀登俯碧汀  
四柱漫言缺題額  
故知得號問春亭

右煙磴茅亭

石溪雲巘路脩長  
夾路林筴總碧琅  
設使其間刷新筍  
了應佳處是韜光

右釋叢野迤

兩層堯榭倚高峯  
翠邈青縈林幾重  
取喜清風發天籟  
宜聽平聲何必定於松

右巖樓清籟

春氣濛濛欲濕衣  
山樓樹色嫩青圍  
巖冰嶺雪消融候  
併作新泉落下飛

右雲泉初瀑

上丁釋奠

孔子並落成國學

國學維新建落成躬承

丁祭致寅精經綸萬古歸

陶冶

道德千秋示典程祇覺行難增以愧未能言贊出乎誠

見近作重修  
國學碑記



兩朝題額奎章煥心法由來治法并

子曰三年必有成虞傳惟一與惟精益求精滋膏旰寸心慙

敢謂治安百世程周鼎載陳古如式

釋奠前出內府所藏周範鼎尊占器

壺簋簠觚爵洗各一供大成殿中用備禮器

春芹敬奠潔為誠試看陪禮來

東魯

時衍聖公孔昭煥聞命自曲阜先期赴京陪位將事

教澤帡幪垂葉并

詠漢玉素璧

古色千年穆且沈肉徑

平聲

五寸好分三琢如不限蒲芳

穀執者誰知子與男何代火炎崑嶠逮

此辟似經火

猶餘霞

起赤城含朱公疑獄分厚薄常理居然是美談

錢選牡丹碧桃用楊維禎吳寬題句韻

生面偏工正面花

畫花者以正面為難

天然富貴炫京華太真設

與相衡校醉後丰姿可似耶

右牡丹

相宜錦繡亦宜村盡得風流泯迹痕却願鼠姑如致語

啟春早讓擅花園

右碧桃

仲春躬祭

社稷壇

當春舉

祈祭先月沐

優恩

今歲新正兆占三白  
屢被渥雪土膏甚潤

祇此誠為瑞其他非所論撰

辰應上戊仰

德配

元坤歲歲躬承祀

春祭社稷壇非有事每歲必躬行

攄茲敬意存

仲春承光殿

右壇祭畢返金輿適值明當進講書遂以駐蹕宿禁裏因之攬景趁幾餘崇臺綺殿聊容與越日前園問

起居不覺七朝

萱砌隔迅哉駒影益塵宇

悅心殿

一水圍瓊島因之過石橋波光全潏灩柳色已招搖時

有春陰合便希雨澤  
邀適來心畧悅來隴  
雪培饒

靜憩軒口號

題額分明靜憩宜  
三楹撲室旭窓披席  
無暇暖書束閣  
便去何曾坐久時

蟠青室

綴景屋包山嶺岬  
一屋裏奚必推窓望  
蟠青乃尺咫雖  
鮮林木扶亦足峯  
巒壘石固有本色  
况超苑枯彼何當  
携老杜此悟開錦  
理

見春亭

瓊島猶餘積素皴，波光樹色已因循。  
山亭何繫人來往，八柱依然此見春。

漪瀾堂

山南信步到山陰，樸斲書堂枕碧潯。  
新水乍欣清溢目，微波未足動澄心。  
度聲雲雁浮情迴，入影隄楊綠意深。  
把筆了知艱得句，其如性每愛搜吟。

道寧齋

芸簡墨壺悅性靈  
向陽草已綠侵庭  
小徘徊更擬自問  
此志能乎以道寧

題遠帆閣

向瀛簪層閣位置學  
金山是日聊攀陟  
遙颿看往還自然  
別遲速何必較忙  
閒心比遠帆遠端  
飛浮玉間

看畫廊

虛廊棲岑崿已訝  
畫幃同壁却不張  
畫以待煙雲供筆  
寫有實象意會無  
定容四時隨所遇  
六法嗤未工寄言

學繪者於斯悟真宗

太液池泛舟遊覽遂至畫舫齋

堂出漪瀾早備舟遂教六棹奏黃頭溶溶春水新波漾  
北液今朝作舴遊

三面紅牆映水光精藍間去聲出梵雲翔御河橋接通津

巨南望橫拖玉竦長

新蒲刺綠微微出弱柳葦黃漸漸濃瓊島入來白塔影

迴瞻錯認北高峯



行行近岸肩輿候清憩何妨趺暇幾了識書齋稱畫舫  
笑斯泛者舫寧非

題畫舫齋

為舫或學齋構齋又稱舫至竟誰主賓無過假名象方  
池雖不濶亦自虛而朗俯眺波瀾文仰結雲霞想

古柯庭

三間新屋對喬柯亦覺蕭然古意多漸染由來成俱化  
與居因念合如何

奧曠室

尋徑殊致奧推窓又覺曠二不可闕一宜遊復宜望設  
其懶望遊芸編插架上耽書緣猶宿開卷益非妄奧欲  
窮物理曠欲廓心量觸目資進德勤學安可忘

綠意廊

近階芽紐嫩青呈屣步聊因消飯行舉首簷牙見題額  
迴廊今日善循名

沈周雲山圖即用其韻

板橋橫接溪亭子策杖幽人意甚閒欲擬破雲登峻閣  
更從雲表望高山

春仲經筵

列筵寧祇禮文崇玩味經書義不窮毋自欺惟慎已獨  
曷胥欽廼亮

天工

時進講大學所謂誠其意者毋自欺也尚書欽我惟時亮天工

君臣要在交相倣

心意由來本是同

二語闡是日御論義

衍聖許教陪講席

衍聖公孔昭煥

以新脩太學親臨釋奠來京陪祀至是並命侍筵觀禮

匪我何以繼家風

詠芝屏

千年山澤物一旦作清防信可稱三秀寧須論九光朱  
柯應不藉翠羽若為翔妥置宜何處黃金十二堂

題倪瓚王蒙合作山水

難辨孰倪孰是王同工合撰鬱鬱蒼蒼倪之勝韻王勝氣  
具眼箇中意自詳

仲春御園即景

右文

寅祀禮胥竣歡喜詢

安謁暢春

仍康熙年間命名  
皇太后居之

御苑韶光益增聖體乾元

德信為仁柳搖金色籠橋齒水涵銀瀾漲岸脣節綵鐙  
華都已撤閒齋淨几足怡神

題宜春殿

朶殿額宜春憑觀宜果真柳條牽波軟草紐向陽新簾  
暖風思捲山融雪罷能舒百昌樂生意得所廣惇民

蹈和堂

載陽春色滿皇州萬物都欣生意油子建文中更思義

履貞原是不同流

曹子建文  
蹈和履貞

迎步廊

廊腰縵轉致多情幽趣因之隨步迎悟得行太矣異此

陸機賦裏自標明

靜虛齋

松濤聽是靜竹籟奏因虛即境恰成趣於心得所如窓  
開還納畫几淨可攤書却不常臨此臨惟清暇餘

挹泉榭

活泉階下似流雲而更聲饒  
瑟瑟聞恰喜一編書在手  
灑然相映挹清芬

益思堂觀書

嘉樹繞堂襟書堂靜以深披芸堪味  
道契理擬知音日進斯無退古遥藉可尋  
名言憶諸葛

集衆思廣忠益諸葛亮與羣下教語

別有沃予心

題觀雲榭

觀雲有素志較量為農田那共閒舒卷恒因託惕乾自  
知艱樂後敢忘去聲勵憂先寄語盈廷者無勞紉繆篇

時賞齋

當門湖石秀屏橫坐喜松陰滿砌清時賞試言底為好  
樹姿花意盼春情

味腴書屋

隨宜構書屋到處可繙披於學貴時習所無要日知寧  
惟立身彼特愧化民茲經史精腴在真咀味者誰



題王炳倣趙伯駒春山圖二首

峯青湖碧春方盛  
柳綠桃紅景向暄  
論趣全規仲長統  
畫情猶是宋王孫

水塍陸町起農功  
山市溪鄣致弗同  
學手居然成古畫  
王炳為畫院學手中可  
造就者惜纔成藝而沒  
綵雲不散讓圖中

短歌行

山之高積纖塵以宕堯川之廣聚細流以滉漾防意如  
城守口如瓶綸綍之悖霄壤常情

題銅雀瓦硯

靜為用復泰為貞淨几丈房永伴清毛舉不須說毛穎  
陶成原得號陶泓鄴臺一旦辭榱棟漳野多年埋棘荆  
可惜建安空紀歲背泐建安十五年爾時覲覲早深萌

項聖謨松陰焙茶圖即用其韻

記得西湖靈隱寺春山過雨烘去聲晴煙新芽細火剛焙  
好便汲清泉竹鼎煎

暖

時節不相讓仲春暖律烘豐表換毳細熾鑪減炭紅桃  
蕊山暈霞柳稊岸搖風宿潤雪澤優脈起土氣融所喜  
在東郊言將興農功

題方琮山水四幅

花塢煙嵐

江南山色四時青祇有羣芳別性靈底識春歸花塢裏  
錦煙輕噴麝檀馨

清溪曲榭

落斜玉澗入溪平  
楮木臨溪小閣橫  
憑檻高人無箇事  
滄浪卽論濁和清

秋山蕭寺

紅葉蒼松萬嶂秋  
精藍遙枕碧溪頭  
過橋人若擬韓愈  
相訪應爲文暢流

竹窓晴雪

綠瓊銀粉落蕭蕭  
截薛羣峯雪未消  
誰道冷窓多寂寞  
素朋挈榼有招邀

詠陶尊

陶土得成尊何殊鑿地存  
豆籩古曾創耕稼此同原  
杯飲畢然望象施且漫論  
祖丁將父乙直可視兒孫

摘梅四首

盆梅亦識春來候  
纍貫枝頭爛漫開  
却憶孤山亭子畔  
此時此景豈殊哉

去客留疎趣益長  
玉盤盛可挹清芳  
後言退有中常侍  
熱鬧空孤培植忙

缶中落落越精神韻事由來舛以新漫認江南陸都尉

連枝折贈隴頭人

按長安去江南數千里梅花一枝豈能不落而至然詩人寄興但取其意

致高遠固不必較其事之有無耳

防盛因教間

去聲

摘之一時觸目會清思世間

平聲

萬事那

如此周易分明有傲辭

### 春雲

山潤易生雲地潤弗藉雨甘雪孟春優泄雲仲春吐英  
英見遠天謁謁密過午於澤莫知多人情有同所其雨

固為佳便雪利亦普復思土脈霑誠可戢少許一犁需  
三月農功當大補咄哉望益奢先憂實自取

題周臣春畦挈榼圖

已是賢主佳賓又逢美景良辰綠意春畦菜嫩紅情古  
屋花新艷舞漫漫誇絲管淡交可託松筠

幘中方豪鄭善夫諸題皆有南

濠之句知為金閨春景諸人會集

致我遐心別繼山塘接駕萬民

詠痕都斯坦玉腕

良瑤出太蒙山石郵須政省力資水磨精鑄本鬼工式

成瓜列瓣氣吐草垂虹曾未三腴伐

平定回部師未至痕都斯坦貢

原西旅同

山桃花四首

氣暄土潤鼓羣芳頭踏春華綻載陽相對盈梅如有語  
南方強異北方強

昨日今朝致不同枝頭添得幾成紅惜陰怪底較分寸  
遮莫封姨巧試風

淡煙輕籟與參差欲放梢頭故又遲莫謂東皇偏靳固



宜人看是半開時

臨溪亦自影踈疎探得春園花信初  
所惜風前欠清馥

不然庾嶺豈勝

平諸聲

仲春玉泉山

常時望裏玉山高今歲春遊又始遭  
峯真巖芙蓉如迎去

去聲

輦波披紋縠恰勝篙岸邊金搖去  
倒垂柳墻外紅蕖半

去聲

放桃散步猶欣芳草綠化工何物不鈞陶

竹鑪山房

每至山房必煮茶筠鑪流婉稱清嘉春雲偏濛濛潤  
比似九龍定不差

日日烹煎原玉泉

尚膳尚茶所需水日取諸玉泉內管領司其事

竹鑪就近特

清鮮聽松菴

惠山茗室名

忽生遐憶別我春風又五年

### 華滋館

孟春雪優霑土膏值蒸動大地無不潤近泉潤尤重羣  
芳雖待發谷韶氣頗角梯几覽物初生機豈種種曰滋  
信已然增華會有踵

甄心齋口號

方寸於何可著塵依然泉石足怡神  
設從齋覓甄心者  
外本知為內末人

翠雲臺

樹背兩古枯不知春與秋  
盤盤鸞孔間四季翠恒流  
昔或擬之雲雲實有展收今欲付之堂堂實無應酬不如  
坐其下息念以優遊

叢雲室

欽定四庫全書

御製詩三集

二十一

雖是傑池衆樹紛枝頭吐葉待猶殷岫間膚寸出無礙  
今日綠雲輸白雲

清音齋

渚苑百年古春來壯石泉靜原足鑑體動是奏琴絃於  
耳斯成契為音亦偶然松濤相答處可與伯夷肩

分鑑曲

一曲因成兩水漸恰疑分鑑各東西設如悟得同源處  
可註莊生論物齊

靜益書屋

動靜互為根言固應如此究其所以然靜乃動之始妙哉漁溪翁圖說標厥旨兼兩動即難含萬靜無已惟靜受益多虛室吉止止

涵漪齋

泉源不凍鎮澄明況值春湖新水生靜作鑑光照几席動為穀影漾簷楹魚欣開朗衝波躍鴈顧形容漸宇鳴歷歷題詩都在壁今來又異景和情

題練影堂

玉泉趵突本巖脚此借飛流自碧雲

碧雲寺泉自石罅出蓋西山較此地

高數百丈曲折引注於此可以為飛流若夫玉泉本係趵突噴出巖脚曰下舊聞擬之飛瀑垂虹誤矣

下垂虹錯稱謂嗟我貴耳正紛紛

題崇霽軒

山陽迤邐至山陰勝日幾閒暢攬尋雖是堂襟遲

去紅聲

綠常饒簾額對嵌峯恰逢薄霽符崇意便擬為膏生翼

心細雨曉來飛幾點西峯又見玉鋪岑

詠素堂

繪事後素言聞諸吾夫子山堂名詠素或可契斯理課  
無責有間豈必藉紅紫白雲卷復舒蒼山岌以義活畫  
與真丈面前陳之矣

含醇室

樸屋三間對碧岫墨壺琴薦總含醇坐來不覺心增慙  
為是所司在化民

題含經堂

水齋軒堂藥平臨鏡影空披書澄滌意味道朗清躬北

面敬資否

任昉文含經味道之生莫不北面人宗自同資敬

東園名偶同

長春園在

圓明園之東內有含經堂

六經理無盡一再詎能窮

憩雲齋

常時望裏雲茲憩今日座中茲憩雲起思

去聲

由來在舒

卷遊情正復喜氤氲樹猶遲葉休言合岫未出峯了是分設使居然作春雨快哉真箇利耕耘

書畫舫



臨溪精舍舫相同景較披書攬畫工不是清河張丑室  
饒他延賞却無窮

自玉湖泛舟至昆明湖即景禱詠

清遊半晌足言歸六棹飛艫上置幃料峭輕寒侵不到  
屢窻攬景入春暉

界湖隄上築橫樓高水源源低水流節蓄經營費幾許

大都事為去聲利耕疇

雪澤優霑泉致旺溪田四顧水鋪勻雖然仍藉三春雨

敢懈祈年一念純

幾曲川途望欲迷  
輕煙又傍綠楊低  
春帆試問行何處  
疑在石湖東與西

迤邐舟經耕織圖  
織耕時尚待斯須  
近吟程榮卅五首  
近取程榮耕作圖  
二十有一蠶織圖  
二十有四訂正  
衰滿歲於御園之多稼軒並令摹鏤貞珉置之此處  
石行將示要模

昆明風細弗生瀾  
棹入空澄眼界寬  
四面樓臺各標勝  
不妨隨意小盤桓

睇佳榭

維舟復登陸勝處步輦紆頗如丁家山明湖西南隅

西湖

蕉石鳴琴景在丁家山居湖之西南此處亭臺結構皆肖之

巖榭固已佳縱睇佳又

殊何必憶武林隨時作清娛

暢觀堂

假山雖不高湖上成俯眺翠觀迴凌虛滄波涵朗照林梢葉未舒近遠畢呈妙暢觀觀於何溪田水均澆叶耕犁易為興春及農將告

懷新書屋

卷七十九

曉榭平陵糊屋窓鱗塍春仲未興  
輟轅來新景伊誰是  
隄外漁蓑過野艘

偶展芸編得彭澤良苗茲却待懷  
新旋思此語失精到  
柳綫苔茵已識春

水村居

舟往仍須舟與還沿緣棹過水村灣  
竹籬茅舍春增趣  
蠶事農功時尚閒  
牆外紅桃纔欲綻  
岸傍綠柳已堪攀

蓄雞放鴨非無謂借以知民生計艱

鑑遠堂

虛明軼軋泯涯際列眉遠峯倒影翠大秦玻璃首山銅  
為照不過丈尺計一碧萬頃或未然頗欣眼界闊無邊

物之妍醜自呈鑑寧須糊錫與摩旃

銅鏡待旃摩西洋玻璃則以錫糊其

背方成鏡照物

鑑人亦豈無神權揭要虞書第二篇

月波樓

湖樓築過十年餘以不頻來到若初少暇那辭孤負此

偶遊仍覺忸怩予

兩字分明額月波幾曾月夕一經過樓如有識欲致問  
千頃湧金趣若何

題靜佳齋

一動及一靜循環方寸中一呼及一吸出入七竅融儒  
語收放心梵經辨三空乃識靜為佳途殊而歸同然吾  
請進之萬幾在一躬設使徒耽靜政豈免胥叢動而有  
不紛靜而有課功微斯誰與歸觸目理可充

宿雲簷

山軒據高處每與名宿雲

避暑山莊內  
亦有此名

出岫勢既易寫

簷氣亦氲但其所對時有愁復有欣值霖見斯畏逢暎  
望致勤孟春雪優霑東郊便興耘雲可弗雲可無繫休  
云云

聽鸛館

林梢吐葉綠猶輕搏桑枝頭未發聲不是銓人戴仲若  
雙柑底用寄高情

延賞齋

玉帶橋頭度笥輿書齋溪上若憑虛幾年不到到如昨  
異是新題別起予

屋未飼蠶塍未耕候寒北地異期程機絲却是常年有  
隔戶時聞軋軋聲

程榮雙圖弄御園此教泐石列前軒

近日題次程榮耕織圖詩既合裴原

卷貯御園多稼軒中而以摹成石刻列置於齋之前軒是地本名耕織圖得此尤為名實相副寧因綴

景增佳話重織勤耕意並存



題藏紙團扇

經背揭成真不真團形規作望蟾輪青蓮一朵常在手  
金粟如來即後身使有香風吹左右似聞了義示緣因  
寧惟披拂延涼籟風俗還殷扇平聲撲溥

詠唐素瓶

楞伽瓶似楞伽繪

唐盧楞伽畫阿羅漢前置一淨水瓶似此

淨水吉祥翻法

華獨憶文皇賜大亮

唐書李大亮不進名鷹太宗賜胡瓶以旌其直

千年擬出

懿公家

題李唐山水

水聲落虛白山色聳空翠山水最佳處盤中多高士叶

艤扁舟者一坐明亭者二其情寄望泉殊途非異致傳

神固在斯詎在工位置懶瓚真知音謂之得三昧

見圖中倪

瓚識語

題漢玉素壁

昌城之蕊夜光含何人琢壁肉好無代應

平聲

尊盧循蜚

占擬以周制其奚堪形不穀蒲執子男千年入土龜采

潛縟紋隱作雲霞纖對之穆然情性恬作者用者漫絮  
談

山東巡撫富明安奏報得雨

封章清曉到詳閱慰如何

富明安奏所屬州縣衛正月下旬兩次得有雨雪各二三

寸至五六寸不等今二月十三十五等日續得雨澤入土各二三寸有餘農田倍增優渥大地固知

潤春膏那厭多不寧利宿麥魚可藝新禾此亦雲頻作  
憑軒幾盼眠

題董邦達山水畫冊

春山濃翠

江南山色四時翠  
翠色當春喜更濃  
何事白雲偏靳固  
林腰嶺腹鎖重重

松石間意

詭石蒼松本古契  
相於天宇絕凡埃  
不教平聲杖履來幽  
士付與千秋公品裁

山樓欲雨

千嶂溟濛雨欲披  
溪雲猶自吐淒淒  
其層樓莫謂無吟客

早是丹陽得句時

雲外層峯

雲外層峯峯外雲  
雲容峯態卒難分  
何當便作一犁雨  
遍與東郊利早耘

溪橋晚泊

扁舟一箇泊溪脣  
春水初生漾細淪  
似是欲行李太白  
於斯少住待汪倫

亭臯葉落

敕敕蕭蕭忽打頭且欣望裏豁吟眸明年會有新枝葉  
何必無端宋玉愁

月上潮平

秋江月上晚潮平無恙風帆掛影明寄語襄陽孟處士  
無舟莫漫寓閒情

古木寒山

一室空山圍古木冷侵肌骨蒼猶熙偶然命筆且深指  
不忘去聲當年負擔時

命大學士傅恒往雲南經略軍務詩以言志

征緬非人事竟乖

緬匪不靖歷經滇省督臣因循貽誤至劉藻楊應琚而乖張欺罔其患滋

甚及將軍公明瑞統兵深入軍威大振又以額爾登額失律不援遂未竣事

重平資經畧重

去聲臣差待之一歲無消息懾以三軍或畏懷

上年秋以軍營整頓

兵力變停進勦緬酋雖有蒲葉書因擺夷送至並未專遣緬人詣軍營誠心乞降今歲因集兵大舉以示震疊

中止誠難存國體

逆匪敢抗頗行大兵既難中輟若以繕邊駐師為小醜久勞防戍不但非

國體且兵老而費同此兵出於不得已之實也

邊防欲靖豈兵佳佇期指日大

勦就後舞前歌振旅皆

讀韓愈平定淮西碑

淮蔡中原彈丸地元和乎定誦鴻功磨碑縱易墨卿作  
仍是斯文傳不窮

再題李唐滕王閣圖

截薛凌空聳碧峴滕王之閣大江濱高朋滿座盡千里

勝友如雲宴十旬

二語櫟括  
滕王閣序

得句不須曹吏報引觴寧

藉酒官巡繫船橋上策驄者擬是促來作序人

賜經略大學士傅恒及征緬衆官兵酒食即席得



句

緬酋弗靖擾滇邦螳臂居然試逞撞健騎重驅厄魯部

驍材兼選黑龍江

征緬之事既不可中止綠旗兵又懦弱不堪用惟索倫兵習勞苦戰其驍

銳實可以一當百向曾用以平定伊犁及回部茲特選派黑龍江索倫兵三千同吉林水師盛京新滿洲兵各一千並揀厄魯特三百餘鄂倫春三百次第赴滇預備進剿時索倫頭隊兵適至因命一體賜食加賚以勵其勇即令隨大學士傳恒啟行  
弼予中國原無二平彼今時豈有雙就

事孰籌應一往

此舉出於不得已其詳已註前詩至大學士傳恒固難遽離左右但軍行遠隔

萬里以外朕豈能事事遙為籌度且機宜所在更有不能悉待指示遵行者若經理不得其人既恐因循曠日

倘事未歲而撤兵尤非長策惟傅恒才識遠出阿里衮阿桂諸人之上彼至軍營必能隨事制勝迅奏膚功籌之再三因命以經畧督兵前往於浮得挈勝千扛必能合衆成城奏莫

拒牽羊袒肉降

緬酋恃其險遠敢作不靖乃待以一年竟不知悔罪乞降不可不掃穴殲渠以

存國體此時合力進剿逆首或遣人投誠安知非飾詐緩師狡計斷不宜允若大兵既近阿瓦彼或懼而望風納款又不妨察其誠偽酌量受降朕之本意原在息事寧人而不在逞威盡剿也湛露和風士

見藻佇看飲至酌金缸

漾舟

樹葉不見長

上聲

今日綠於昨桃花不見開既開亦有落

漾舟四顧春春光已繡錯三朝宴坐齋偶出景殊若景  
光迅如斯遊情何所託

蘇漢臣戲嬰圖

庭院景含清崢嶸聚戲嬰心花知自喜面具索人驚梨  
棗還相讓塤箎互不爭畫家深魯語寫出少懷情

含韻齋詠玉蘭作

彈苞舒萼遍枝頭昨日猶踈今日稠景色荅春爭一刻  
軒齋含韻自千秋

六株玉樹發前墀王謝家多風雅兒批判韶光應是爾  
云何木筆屬辛夷

玉蘭色白辛夷紫白朶原從紫接成不問花師不知故  
由來記載鮮精評

按玉蘭取辛夷木本接植之即成花師皆云玉蘭雖  
有白花而小且叢條不成樹欲花朶大而成樹必須  
取辛夷接植而辛夷不以玉蘭接之則仍紫花是辛  
夷玉蘭本相近然羣芳譜及詩人率別辛夷玉蘭若

涇渭而以木筆屬之辛夷今觀二花尖銳形態畢同  
獨紫白異色耳若以擬筆不與白而與紫吾以為不  
然

御製詩三集卷七十九